



Broj: 01-11-2-3430/25-8 Lot-2
Konjic, 12.09.2025. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), Preporuke komisije broj: 10-11-2-3430/25-6 Lot-2 od 12.09.2025. godine, u postupku javne nabavke „Nabavka betona“ LOT-1, a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik donosi

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 10-11-2-3430/25-6 Lot-2 od 12.09.2025. godine i okvirni sporazum za javnu nabavku roba "**Nabavka betona**" **LOT-2** dodijeli ponuđaču „**GPI d.o.o. Konjic**, ul. Trešanica br. 61, 88400 Konjic, ponuda broj: II-1425.09/25-01 od 02.09.2025. godine, za ponudenu cijenu, ostvarenu na e-aukciji, u iznosu od **309,00 KM** bez PDV-a, odnosno 361,53 KM sa PDV-om, kao najpovoljnijem ponuđaču.

Član 2.

Za izvršenje ove Odluke zadužuje se Služba za zajedničke, stručne i inspeksijske poslove.

Član 3.

Ova odluka objaviće se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-11-2-3430/25-1 od 16.07.2025. godine.

Javna nabavka je provedena putem otvorenog postupka.

Procijenjena vrijednost javne nabavke LOT-2 je: 300.000,00 KM bez PDV-a.

Gradonačelnik je Odlukom o imenovanju komisije broj: 01-11-2-3430/25-2 od 17.09.2025. godine, imenovao Komisiju za javnu nabavku i zamjenske članove za nabavku predmetnih roba.

Na osnovu obavještenja o nabavci broj: 637-1-1-93-3-99/25 objavljenog 18.07.2025. godine, Ispravke za obavještenje o nabavci broj: 637-1-1-93-8-108/25 od 21.08.2025. godine, Ispravke za obavještenje o nabavci broj: 637-1-1-93-8-110/25 od 26.08.2025. godine, na Portalu javnih nabavki i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda.

Javno otvaranje ponuda izvršeno je 02.09.2025. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-3430/25-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: tri (3);

Pristigle su ponude sljedećih ponuđača:

- 1) GPI d.o.o. Konjic, ul. Trešanica br. 61, 88400 Konjic,

- 2) AGI d.o.o. Konjic, ul. Živašnica bb do broja 50, 88400 Konjic i
 - 3) PBP d.o.o. Konjic, ul. Donje Polje do broja 42, 88400 Konjic,
- da su blagovremeno zaprimljene sve ponude,
 - da je broj neblagovremeno zaprimljenih ponuda; nula (0),
 - da su ponude ponuđača: GPI d.o.o. Konjic, AGI d.o.o. Konjic i PBP d.o.o. Konjic prihvatljive, dostavljeni su svi traženi dokumenti u skladu sa zahtjevima iz tenderske dokumentacije,
 - da nepravilnih i neprihvatljivih ponuda nije bilo.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 23. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1	„AGI“ d.o.o. Konjic	310,00 KM
2	„PBP“ d.o.o. Konjic	380,00 KM
3	„GPI“ d.o.o. Konjic	430,00 KM

Komisija je, nakon analize prihvatljivih ponuda, zakazala e-aukciju za dan 11.09.2025. godine u 12:30 sati, te istu provela u skladu sa uslovima iz tenderske dokumentacije kojom je predviđeno održavanje e-Aukcije i Pravilnikom o uslovima i načinu korištenja e-Aukcije („Službeni glasnik BiH“, broj: 80/23). E-Aukcija je provedena putem sistema e-Nabavke na web stranici www.ejn.gov.ba.

Po okončanju e-Aukcija, koja je trajala od 12:30 do 12:42 sati (Izvještaj o toku i završetku e-Aukcije u prilogu), Komisija daje tabelarni pregled prihvatljivih ponuda ponuđača kako slijedi:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1	„GPI“ d.o.o. Konjic	309,00 KM
2	„AGI“ d.o.o. Konjic	310,00 KM
3	„PBP“ d.o.o. Konjic	378,00 KM

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač „GPI“ d.o.o. Konjic, na osnovu čega je jednoglasno dala Preporuku rukovodiocu ugovornog organa broj: 10-11-2-3430/25-6 Lot-2 od 12.09.2025. godine, da se okvirni sporazum za javnu nabavku roba „Nabavka betona“ LOT-2 dodijeli ponuđaču ponuđač „GPI“ d.o.o. Konjic, za ponuđenu cijenu, ostvarenu na e-aukciji, u iznosu od 309,00 KM bez PDV-a.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU


Protiv ove odluke može se izjaviti žalba, najkasnije u roku od deset dana od dana prijema ove odluke.

Pripremio: Elvir Nuhić
Kontrolisao: Nedžad Ramić



Dostaviti:

1. Gradonačelniku,
2. Ponuđačima x3,
3. Službi za poslove gradskog vijeća i mjesnu samoupravu,
4. Službi za ekonomsko-finansijske i prave poslove,
5. Službi za zajedničke, stručne i inspekcijske poslove,
6. A/a.



GRADONAČELNIK

Osman Čatić

